

IceNAV Havaaghanut Naunaitkutat

IceNAV kavamatkut-hivuliqtuqtaat qauyihaiyit havaaghait ihuaqhivaalliutighat kayumingniinik ihuaqniinik amirnaiyautailu taryuqmi ikaaqtunik hikulingmik imaqmi naahurihuiqpalliayaamiklu inulingnik halikaaptanik hikuhiuqtunik. IceNAV havaanguliqtuq Royal Canadian Navy-mit Kanatamilu Taryuqmi Annaktit tajja ikayuqtiqaqhutiklu qaffinit kavamatkut havakviinit. IceNAV qauyihaiyit tajja havaanguyuq CCGS *Henry Larsen* hikuhiutanik ilauplutik utiqtaqtumik Ukiuqtaqtumi agyaqtaqtut hikuhiutillu havaanginnik ukiaghannguqtiinagu ukiaghalihaamilu.

Qauyihaiyit havaqatigiingnut ilauyut talvanngat Anguniaqtiit Qauyihaiyit Hanavalliyullu Kanatami (DRDC), Kanatami Qauyihaiyit Katimayit Kanatamit (NRC), Avatiliqiyit Hila Aallannguqpalliyumilu Kanata (ECCC), Kanatami Hikiuqtit Ikayuqtiit (CIS), NASA-kut Qaanganit Immap Taryuplu Qauyihaiyit (SWOT) qilannngmiittukkut ikayuutait, taapkualu NATO-kut Havakviat Taryuqmiutanik Qauyihaiyit (CMRE) ikayuqtiqaqhutik Kantami Taryuqmi Annaktinik (CCG).

Parnaiyaqtauhimayuq qauyihaiyaghat ihumalluaqpaktut qauyihainiq ilihimattiarniqlu hunaqutait puktallaaqtut taryuqmi piqaluyailu atuqhutik qauyihautinik nappaqtitauhimayut umiaqnit, tingmiannguakut aullaqtitauhimayuq piyauvaghunilu umiaqmit, qilangmiutakkut, talvuunalu mikiyukkut kivitaqtumik ilikkuuqtuq ingnqutik. Qauhitit atuqtauvaktut qauyihariamik hikum qanurininganit umiap avatiinit ingilratillutik. Ahiagullu, qauyihaiyit havaqatigiit atqaqtirahuat umiaqmit taryum hikuanut tiguhiyaamik qauyihaiyaamik taryum hikuanik. Qauyihainahuat ikuutaqpangniat qitqanit taryum hikuanik, katitirilutik qimilruktaghat taryum hikuanit ingilrutikkut qauyihaqtauyughat, niklaumanianik taryuqarniiniklu uukturiamik imaqmit qanilrungmit ataanillu kitukiat piqaluyait, hilingnianiklu qauyihaiyaamik atuqhutik ahiittunik qauyihautinik naalautiniklu. Qauyihaiyut uuktuutikkut atuqtauvangnait ilauyaamik naunaitkutainik piyauhimayut qauyihautinit.

Qauyihaiyut havakpangniat aviktuqhimayuni avatiinit Northwest Ikaaqvait paaqhivianit, talvaniilu Lancaster Sound, Parry Ikirahaat, Peel Sound, M'Clintock Ikirahaat talvanilu Prince Regent Kangiqhuanit, akunngani Niqiliqivik 20, Niqiliqivik 30-lu. Qauyihaiyit havaktiit qiniqpangniat angitqiyaniq, iluittunik piqaluyangnik hanaqiplutik qauyihaiyaamik nipiliuqniaqtullu tamangnik taryum hikua qanurininganiinik talvani ingilravianit. Umiaq ahikkuuqpangniaq aviktuqhimayumit nalvaaqhiuriamik hikumik ihumagiplugu hila ikaaqtillutik. Qauyihaiyit ihumagilluaqniaqtaat piqaluyait ikaaqnaqtunit umiaqtuqvingnit.

José Lagunas-Morales, PhD
ICENAV – Lead Scientist

Defence Scientist, Electro-Optical Warfare (EOW)
Valcartier Research Center / Defence Research and Development Canada
jose.lagunas-morales@forces.gc.ca // Tel: +1 418 844 4000 ext. 4506